

Gerhard Fischer-Song  
03. Mai 2010  
Feier Kantonsratspräsident



Er isch kein grosse Schwätzer, hohli Schprüch ghöorsch nie vo ihm  
Cha guet zuelose, gründlich danke, mängs iiränke  
z'Bäretschwil im Zürcher Oberland isch er i jedem Huus bekannt  
De Geri öise Kantonsratspräsident.

Er seig als Bueb en Träumer gsi, heb Blüemli und Vögel beschtuunt  
Und früe bim Vater glehrt, das guete Honig vo de Bienli chunnt  
So en Maa dä wird natürli, nöt eifach es gwöhnlichs Pürli  
Schön für d'Natur, de Geri isch en Bio-Pur.

Und es paar Jöhrli schpöter, wott er für d'Gsellschaft öppis tue  
D'Politik vo der EVP seit ihm am beschte zue  
De Gerhard Fischer passt perfekt zu eus, und mir säged drum, er sei  
i der Einzige Vernünfftige Partei.

Mit Aastand und vil Fiingfühl, isch er sit Jahre engagiert  
I Kommissionen, Röt und Verbänd wird er respektiert  
Uf sim Purehof hät Mänge wieder de Wäg usere Krise g'funde  
Au privat isch de Geri evangelische Wert verbunde.

Mängisch, ame Mäntig Morge, büütet de Geri Würschtli a  
Wer Gluscht und Hunger hät, chan sonen Würschtli ha  
Ja wämer dankt was i dem Rat so gschwätzt wird chönt mer meine gar am Aend  
Diä Würschtli chömed direkt us em Parlamänt.

Du wirsch es gseh, es gaht ganz schnäll, scho isch das Jahr verbii  
Dänn häsch wieder Zyt für dich, chasch meh diheime sii  
Wänn't mit de Lina zämehöcklich, bimene Würschtli und guete Tröpfli  
Then you will feel the touch of green green grass of home

(Nach der Melodie von Green green grass of home)